

儋縣志卷之十五

官師志

序曰紀績念循良之吏功在斯民誦聲傳記載之篇澤留後代此名宦之足以昭激勸而感人去思者也吾儋自漢室開疆蘇公開化縉紳歷代尙不乏人但來官斯土者其品格不齊臧否自判倘無志乘後之人安知某也賢某也詐某也直某也曲其賢直者得而仿效之詐曲者得而警戒之乎故特參攷府志所載歷代官師宦績秉筆而謹記之以俟後宦知所採擇焉志官師州舊志

儋

縣

志

卷十五

官師

序

一

瓊州海口海南書局代印

官師志一

宦績 漢 三國吳 隋唐 宋 元 明 清 民國

漢

路博德

西河平周人初為右北平太守元狩四年以功封祁離侯遷衛尉元鼎五年南越叛乃以博德為伏波將軍同楊僕往討之分師五路博德次於桂陽下湟水與僕會番禺粵素聞伏波名皆降於博德黃通志呂嘉建德與其屬數百人亡入海伏波因問所得降者以知呂嘉所之遣人追之史記尉佗傳六年十月得呂嘉首遂定越地以為南海蒼梧鬱林合浦交阯九真日南珠崖儋耳郡漢書武帝紀論功博德仍舊侯惟益封六百戶今連州湟水上有伏波將軍廟蓋報功也蘇軾志南越自三代不曾有秦雖遠通置吏旋復為蠻祁離始開九郡蘇軾伏波廟記宋宣和中詔封忠烈王李綱威武廟祀祀府名宦

楊僕

宜陽人以千夫為吏稍遷至千爵都尉列為九卿及伐南越又拜為樓船將軍以摧鋒功祀府名宦蘇通志

儋縣

志

卷十五

官師 宦績

孫豹

會稽人父幸武帝時幸為珠崖太守調廣幅布獻之蠻不堪役遂攻郡殺幸於是豹合率善人還復破之自領郡事討擊餘黨連年乃平豹遣使封還印綬上書言狀制詔即以豹為珠崖太守威政大行獻命歲主黃通志調廣幅布謂調取

而增其幅也漢志大人輸布一疋小口二丈謂之賁布則此也即賁布而幸廣其幅耳阮志按率善官名漢晉時西南夷及南蠻皆置率善長率善人者率善長所率之衆也祀府名宦

馬援

字文淵扶風茂陵人也輔光武中興為虎賁中郎將建武十七年交阯女子徵側與女弟徵貳反寇峇嶺外六十餘城於是璽書拜援為伏波將軍遂緣海而進隨山刊道千餘里十八年軍至浪泊山上與賊戰大破之明年正月斬徵側徵貳傳首洛陽封援為新息侯進擊餘黨嶠南悉平立銅柱為漢之極界往來南海撫定珠崖調立城郭置井邑立珠崖縣二十年秋拔旅還京師黃通志時世祖初平天下民勞厭兵方閉玉關謝西域况南荒何足以辱王師非新息苦戰則九郡左衽至今矣蘇軾伏波廟記宋宣和中詔封佑順王李綱威武廟祀後雷瓊二郡多祀路博德及援為伏波將軍祠迄今不廢蘇通志祀府名宦

東漢

僮尹

丹陽人舉孝廉為郎需次京師永平十七年春二月僮耳慕義貢獻是時甘露頻降樹枝內附公卿百官皆以為祥瑞顯應徵在遠人乃集朝堂稱觴上壽適張純子奮襲武始侯來朝亦與焉尹從奮引兒便殿應對合旨顯宗奇尹才美因拜尹僮耳太守尹至郡敷政未久下詔擢為交趾刺史還至珠崖戒勅官吏毋貪珍賂勸諭其民毋鑿面頰以自別於峒俚雕題之習自是日變建初中以尹能匡俗信民厚加賞賜遷武陵太守 黃通志 祀府名宦

三國吳

聶友

字文梯豫章人也少以才譖錄為官吏虞翻與語而奇焉至都諸葛恪遂與友善孫權將圖珠崖恪薦友為珠崖太守詔加友將軍與校尉陸凱同往執馘奏捷留友治之友慮師久致疫簡其精銳自衛餘先遣還權大悅徵為丹陽太守 黃通志 祀府名宦

陸凱

字敬風吳郡人丞相遜族子赤烏中除儋耳太守同將軍聶友討珠崖斬獲有

儋

縣

志

卷十五

官師 宦績

三

瓊州海口海南書局代印

功遷建武校尉拜偏將軍封都鄉侯孫皓立累遷左丞相建衡元年疾篤皓遣人問所欲言凱陳樓元賀邵張悌滕脩及族弟喜抗皆社稷之楨幹也後俱以忠節聞同上祀府名宦

隨

譙國夫人馮洗氏北燕馮宏之後高涼太守馮寶之妻也幼賢明能行軍用師壓服諸越海南儋耳歸附者千餘峒歐陽紇謀反夫人發兵拒境紇徒潰散以功封其子僕信都侯加平越中郎將轉石龍太守洗封石龍郡太夫人陳國亡隋文帝遣總管韋洸安撫嶺外夫人知陳亡集首領數千人盡日慟哭乃遣其孫魂率眾迎洸嶺南悉定表魂為儀同三司贈寶為廣州總管洗封譙國夫人開皇十一年番州總管趙訥貪虐諸俚獠多有亡叛敕委夫人招慰夫人親載詔書自稱使者歷十餘州宣述上意諭諸俚獠所至皆降文帝賜夫人臨振縣湯沐邑一千五百戶贈僕為峴州總管平原郡公仁壽初譙國夫人卒諡曰誠敬夫人

北史譙國夫人傳祀府名宦

唐

薛季▲ 原列儋州刺史絳州龍門人以與誅易之等功進戶部侍郎五王失位因出貶儋州司馬以與廣州司馬光楚客不協具棺仰藥死舊志

王義方 泗洲人究心經術素善張亮亮抵罪坐貶儋州吉安丞吉安介蠻黎素梗悍義方召首領選生徒開陳經書行釋奠禮無不悅從授洹水丞人為御史復以彈李義府被貶

宋

張中 紹聖間知昌化軍與蘇東坡善嘗同符吳二生集黎子雲居擬構載酒堂未就後解官北歸東坡作詩送之

葉元璘 紹興間任禮賢愛民建廨宇
陳應元 瓊州人僉書漕使顏幾辟宜倫令復倅雷攝儋所至有聲凡學行政致為瓊士先

蔣科 電白人寶祐進士任郡學教授校文以器識為先捐資修學移建御書閣擢宜

儋

縣

志

卷五

官師 宦績

四

瓊州海口海南書局代印

倫令撫輯黎峒教以詩書

羊漂 學錄曾為李光命細香堂名

李希賢 銅鼓衛人任州同潔已愛民申移督構司立營那約後改立那大百姓感戴

王齊 遷宜倫縣於城北

裴聞義 吉陽縣人紹興間任有善政歷久卒於官百姓慟之

李行中 紹興間任與折彥質舉行鄉約

周仁浚 汝南人開寶間初平嶺南以仁浚知瓊州既至疏薦舊官駱崇璨等四人分知

儋崖振萬安四州因俗而治綽有政績祀府名宦黃通志後居上邕

蘇軾 字子瞻眉州眉山嘉祐二年進士累官禮部尚書兼端明殿翰林侍讀學士紹聖中忤章惇蔡卞於是御史論軾掌內制日所作詞命譏斥先朝三貶至瓊州別駕昌化軍安置賈志到昌化軍謝表四月十七日奉被告命責授臣瓊州別駕昌化軍安置臣尋於當月十九日起離惠州至七月二日已至昌化軍訖者表見藝文昌化故儋耳地非人所居藥餌皆無有初僦官屋以居有司猶謂不

可軾遂買地築屋宋史本傳寓城東之天慶觀結桃榔庵以居儋人運甓畚土助之賈志平生忠義耿介不容於朝自黃而惠由雷至儋冒風濤犯瘴癘留滯爲久然忠君愛國之心屢形章牘非人之所能也儋僻在海隅黎蛋雜處獨與幼子過以翰墨琴書自娛閒以尋幽覽勝爲事有黎許二氏者日相親炙載酒過從問奇請益當是時人皆化之文學至今猶盛郡守張中尤加禮敬爲築堂澗上以爲往來遊息之所名之曰載酒時復觴詠其間豈拘拘惟麩麩是務哉殆託此以寄羈思耳在儋四年被召內遷徐智載酒堂記徽宗立移廉州改舒州團練副使徙永州建中靖國元年卒於常州阮通志祀府名宦

崔與之

字正子增城人紹興四年進士授潯州司法參軍擢賓州軍州事特授廣西提點刑獄徧歷所部浮海巡朱崖秋毫無擾州縣而停車裁決獎廉劾貪風采凜然朱崖地產苦蒼民或取葉以代茗州郡征之歲五百緡瓊人以吉貝織爲衣衾工作皆婦人役之有卒期年者棄稚遺老民尤苦之與之皆爲榜免其他利病罷行甚衆瓊人次其事爲海上澄清錄嶺海去天萬里用刑慘酷貪吏厲民

儋縣

志

卷十五

官師 宦績

五

瓊州海口海南書局代印

乃疏爲十事一曰獄囚充斥之弊二曰贓物供攤之弊五曰戶長科役不均六曰弓手土軍騷擾七曰催科泛追八曰緝捕生事九曰奸猾健訟十曰州縣病民申論而痛懲之高惟肖嘗刻之號嶺海便民榜宋史本傳廣舶趙汝楷亦見之服爲吏師熙寧免役之法獨不及海外四州民破家相望與之議舉行未果以語顏幾幾守瓊遂行之嘗爲座右銘曰無以嗜慾殺身無以貨財殺子孫無以政事殺民無以學術殺天下後世年八十二薨阮通志祀府名宦

曾悅

有惠政興學校由州教授陞

鄧富

大庾人有智勇紹興間爲諸寨長賊畏之呼曰鄧江南

陳中孚

昌化軍知軍曾隨父遠斥吉陽因籍吉陽舉文學知萬安縣擢陞昌化軍知軍生長子適次子庚適鄉薦臨高尉亦擢陞昌化軍知軍皆視鄉賢名宦庚十二歲以萬安籍應試中解元迄後自吉陽回儋居治北里許構堅白堂湧月亭秀香亭無倦齋以爲名卿相遊息之所並聘師課子爲昌後遠謀時賢宦以父子繼美稱之故今陳族有繼美堂之名身後之兆父子皆卜葬於儋現有墓碑可

考

元

吳桂發 南海人宋南寧軍判元初舉城歸附陞知軍事在任凡十年置新榕庄學田
特穆實 洛陽人至順癸酉任知軍招撫江花黎峒建文德堂

吳正卿 遂溪人順宗朝知軍在官絕私謁去民思之

江大忠 至大己酉任重建明倫堂

彭應雷 字震卿分宜人泰定三年由尙乘寺祿授將仕郎出倅儋州浚東坡舊井作亭
重脩載酒堂

呂琳 浙西四明人天順間判儋州剛果有為興學校課農桑化刁強除盜賊政治赫
然一時僚佐罕有其匹賈志

明

田章 洪武年間知儋州事創建廡宇有政聲

崔帖穆 漠北人洪武間任臨高知縣純良好善招黎向化民經兵革失業者多流亡甫

儋

縣

志

卷五

官師

宦績

六

瓊州海口海南書局代印

集值歲大饑疏求賑給三請乃得報可賴以全活者數萬人後遷儋州牧亦卓
有政聲

魏世吉 山東人洪武間知儋州性直不撓為政愷悌視民若子至今思之黃通志

林茂 洪武間知儋州事請割儋之感恩屬崖州

陳敏 陸川監生永樂二年知儋州政寬厚得民心以憂去服滿起復在任九年民安

其化遷泗洲

林慶 莆田監生景泰初知儋州廉介峭直守法不阿政以節用為本興利除害常如
不及後被誣去民思慕之

王鍾 江西泰和舉人成化四年知儋州羣盜攻劫居民鍾選健役募民壯為兵一鼓
平之部內清肅民詣監司請仿郭進故事立屏盜碑許之未幾卒於官民立祠
祀焉阮通志

羅傑 江西南昌人成化癸巳守儋州廉正公勤興學校振士風黜淫詞正風俗疏水
利馴生黎鼎新一切公廨橋梁儈之民風文物自是不變丁酉以內艱去百姓

號泣隨之黃通志

鍾英

字子傑陽朔人成化戊子領首薦宏治二年知儋州廉公簡肅興利除害修學校墾田畝惠政甚多蒞任八年不以妻子自隨卒於官囊橐蕭然黃通志立祠祀之

葉性

閩縣人正德年間知儋州事寬厚有為陞潮州知府

陳袞

新城人正德六年知儋州事廉靜寡欲敏達有為遷儒學勅官鋪始終如一

毛鶴

賀縣舉人正德六年授湖廣瀏陽知縣遷高州通判以捕盜有功擢知儋州編高雷瓊三府均徭及議瓊屬里甲值錢軍儒則例清豁儋州無徵米一十七百石有奇屢立平賊功遷雷州府同知進階從四品致仕歸壽七十阮通志

蕭宏魯

廬陵人嘉靖初知儋州遷儒學勅官鋪修社學招生黎立都圖有惠政在任七年以廉能著聲民謠云七載廉能讓老蕭陞金華府同知

徐時用

萬歷年間守儋廉能有守清正奉公地方有水旱之患多方祈禱以應始休其德政至今猶留傳不息故士民設位以奉祀之

儋縣

志

卷十五

官師 宦績

七

瓊州海口海南書局代印

高葵卿

江西萬安人崇禎年間任儋政尚寬柔心殷撫字在任無赫聲而去後皆溯懷其德乃建祠於署東以祀之

廖永忠

巢縣人洪武元年拜征南將軍帥舟師由海道取廣東諸郡勅諭永忠等曰王者之師順天應人所以除暴亂解倒懸以慰民望朕昔平定武昌荆湘諸郡皆望風歎附常遇春克贛州安南嶺南數郡邑相繼來歸此無他師出以律人心悅服故也今兩廣之地遠在南方彼此割據民困久矣定亂安民正在今日若先遣人宣布威德以招徠之必有歸歎迎降者慎勿掠沮向化之心且廣東要路惟在廣州廣州既下則循海州郡可傳檄而定海南海北以次招徠肅清南服在此一舉永忠發書諭元左丞何真曉譬利害真奉表降馳諭九真日南珠崖儋耳三十餘城皆納印請吏兩廣悉平阮通志祀府名宦

耿天璧

五河人泗國公再成子也洪武元年以嚴州指揮隨征南將軍廖永忠朱亮祖平廣東十二月統軍征南海克儋萬安等城敗小錫峒王官泰招黎人歸化諭諸賊悉降賈志

宋端儀

字孔時莆田人成化時進士宏治九年擢提學僉事崇正學嚴考課教人必身先表率而痛抑浮誕奇險之習甄別造就一時號稱得士或問解元何在儀指鍾芳張世衡以對後衡果首薦芳次之蕭志瓊崖諸州遠在海島前此有九年僅一試者端儀未及五載兩涉鯨波巡撫嘉其勤疏乞旌擢而端儀以衝冒炎瘴病死遠近奔哭瓊士祀之仰止祠阮通志所著有通書解綱目凡例宋行朝錄莆陽廣左志羣書纂要詩傳考証等書祀府名宦蕭志

方良永

字壽卿莆田人宏治庚戌進士觀政戶部庚申擢廣東按察司僉事未數月瓊州黎賊符南蛇作亂衆至四萬守吏多棄城走良永慨然請行總督劉大夏檄攝海南兵備既至宣布恩信欲招降之賊未即聽命遂調防海兵捕之授以方畧前後俘馘千餘人賊勢大挫旋有與良永異議者貪功輕進挫衄三府惠之碣石雷之白鶴寨瓊之白沙寨爲三府乃濟師分道并入良永所統紀律嚴甚廣右狼兵所過騷擾獨畏良永不敢犯居民安堵運奇制勝遂縛元兇及其餘黨悉平之計擒斬二千七百有奇御史或忌之欲分以失利罪時劉大夏入爲司馬嘆

儋縣

志

卷五

官師 宦績

八

瓊州海口海南書局代印

曰海南之功當以方僉事爲第一顧坐以罪邪白於上賜紵絲表裏其年海北道兵備缺吏部以良永有風力推補之良永歷二道行部所至皆令官屬籍記行李比還令啓篋視之以絕點汗巡按御史華璉首薦於朝以母老疏乞終養歸阮通志祀府名宦

毛銳襲

封伏羌伯爲兩廣總兵宏治十五年統兵平符南蛇號令嚴明所至大捷師旋之日一方晏然賈志祀府名宦時有都指揮錢璋馬義廉州指揮楊彪均從征有功蕭志

湛鉞

廉州衛借職指揮使歷廣東都僉性英俊有文武才好賢禮士宏治間符南蛇叛領兵來援適賊大掠臨高縣時兵不滿三千衆有懼色鉞勇氣百倍率奇兵由間道遠賊後大破之擒斬以千計保全臨高解儋州昌化圍威振十三州邑以兼程冒雨病卒軍民哀之臨高立祠祀焉蕭志

胡訓

字誨之南昌人宏治壬戌進士正德末擢廣東按察司副使飭兵於瓊瓊去廣城二千里且迫近諸蠻於是擇兵馬防要衝積芻糧行間諜緩百姓時黎賊爲

害有司但議招撫訓曰不可今之招撫異昔之和即下令諭以禍福不如令者殺無赦有羅活峒者尤兇黠訓議剿之以警衆選調官軍往不半月賊面縛降認糧入籍阮通志嘉靖二年誅賊符南蛇其從子崇仁文龍聚黨讐殺諸黎陰助之訓復命儋州同知顧玠撫之劇寇悉平賈志於是生熟黎人樂歸者衆州縣村峒入戶版者以千計訓又謂黎人之劫殺皆由土舍之科斂土舍之科斂皆由有司之貪墨宜端本清源則不令自清矣又兼督學政訓士以行檢爲先文尙理致而下詞藻士執經問難無虛日在瓊數年視官屬如子弟愛百姓如家人瓊人至今慕之有遺愛碑阮通志祀府名宦

顧可久
字與新江南無錫人歲在甲子連第拜行人其後備兵瓊海以颶風瘴霧意不欲行少宰霍韜移書趣之不得已之官節法振紀宣布威德黎民惴惴罔敢犯者聞乃按行諸郡周咨黎倭出沒之處相其阨塞以籌備禦繪圖爲說瞭如指掌未幾羅活峒黎出劫爲盜按圖循蹟遂窮治之儋崖諸黎五十二部落聞風歎附境內恬然阮通志所著有在署讀禮溫陵虔州珠崖在澗諸集獻徵錄

儋

縣

志

卷十五

官師 宦績

九

瓊州海口海南書局代印

宋 塗

字德中廣西賓州人嘉靖乙酉舉人初授揭陽教諭擢銅梁知縣專尙德化進知儋州鋤豪強寬徭役弭昌江水患復榕莊公田化牛黎爲編氓奏立順黎附黎二圖鄉閭安業未幾卒於官民爲巷哭祀於東坡祠阮通志

潘時宜

永豐人嘉靖三十一年知儋州事修廨宇建振德書院

張邦謨

漂水人嘉靖三十九年知儋州事剛正有爲值海寇登岸躬率軍兵對敵後因鄉紳有隙休致

鄭 鳳

福建紹武貢生嘉靖間判儋州平易謙恭不以一毫致擾於民州有山產鐵黎居之民庶恒相聚私爲冶鑄遂招來亡命動與黎人構讐鳳乃請於上官得罷斥封禁之民黎胥安咸頌德焉阮通志繼任有戴龍者州民謠云鄭鳳再來天有眼戴龍不去地無皮賈志

吳 泮

莆田人嘉靖四十一知儋州事建州後衙於西空地

陳 儻

閩縣人隆慶二十年知儋州事性敏才大建四角樓築新英城威行土舍而黎賊遠遁

陳節 萬歷年間知儋州事能移風易俗公餘之暇嘗與士子課文論詩教以孝悌忠信而風爲之一整焉其惠政仁聲播炙人口士民不忍忘謹奉祀賢宦祠

陳榮選 福建同安舉人萬曆間守儋州潔己愛民勤於造士在任五年利弊革興州人思之與陳節潘楠共祀於祠號稱三賢又祀名宦祠

潘楠 南京衛人萬曆三十四年知儋州廉介自持一切工役俱出俸金舊例悉除鍰金不入私橐卒於官士民哀之祀名宦

曾邦泰 江西廣昌人萬曆四十五年由舉人知儋州廉明有守片言折獄遷學修志築隄防海革浮耗除陋規善政爲多修城堞又修南北二樓祀名宦

徐時中 字宜之江西餘干人成化癸卯任儋州同知是時儋守臥病半載而代不至既歿乃以時中假守案積如山命吏數人連進紙筆瀕斯剖決無不允當文翰并美旬日之間塵牘一空阮通志

呂琳 四明人天順間儋州判剛果有爲興學校課農桑化刁強除盜賊政績赫然

儋

縣

志

卷五

官師

宦績

十

瓊州海口海南書局代印

冒矢石署儋州廉平如一嘉隆以來罕有匹者郡守周思久雅重之民間有愷悌君子之稱陞建昌府判賈志

唐覃恩 籍容縣人隆慶年間任吏目有勇畧鄉村屢遭海寇躬率軍兵禦敵

林五倫 永安人天啓年間任州吏目建東北郭小江橋

牟春華 字萬林廣西鬱林州人隆慶丁卯舉於鄉由四會教諭擢儋州牧孝友性成居官慈惠嘗捐俸建學賑饑州屬黎頑梗難治春華恩威并用向化者衆卒於官

歸糶日百姓送至海上者環岸號泣阮通志

陳鴻澤 福清人天啓年間任吏目遷學督工未久去任

曾寬 順德舉人正統年間任州訓導曾撰儋州志

鄭濟 閩縣人永樂間任儋州學正日與諸生講論不倦嘗著四書書經講說傳於世卒於任今子孫多在儋州祀名宦

黃甯 閩縣人正統間儋州學正選戍籍子弟穎出者教養之貧者資給膏火人人感激

丁大縉 東莞人天啓年間任學正博學謹慎陞瓊州府教授

劉 郁 曲江人天啓年間任學正捐俸脩東坡登東橋

李 遠 歸善人天啓年間任學正勤課士評品高下士知作文矩度己卯科應聘福建

試陞柳州府推官

查子化 普安人天啓年間任學正申復久侵學田以丁艱去

梁廣譽 歸善人天啓年間任學正善書工詩

何天祐 歸善人天啓年間任學正舉動安詳言不妄發惓惓造士作人陞高明教諭

清

全元樞 直隸河間獻縣人康熙元年任知州興學校恤里氓僅二年丁艱回士民思之

崔廷芳 番禺人貢生康熙五年任在任六年以告休歸諸生慕之有去思碑

楊大期 新會人康熙己酉科舉人康熙二十二年任學正康熙二十三年捐俸銀十五

兩七錢六分貯州庫脩學

周一士 杭州府仁和縣人康熙二十四年任州吏目二十八年於州堂東捐資創建前

儋

縣

志

卷十五

官 師 宦 績

十二

瓊州海口海南書局代印

後各三間大堂一間及大小門煥然一新三十年因老致仕

朱之光 浙江人順治十二年知府事撫字有方刑平政簡居官無赫赫之名而去後常

見思祀府名宦蕭志明季兵戈四起鄉民逃竄承平後流亡漸復留鎮弁兵擇

民居之宏大者占焉諸田畝則為先復籍者有焉訟田產屋宇者無虛日前守

不能決案積數千事之光曰民有屋已不得居而僦屋棲身民有田已不得耕

而糴米餬口訟之官而官不能別其曲直則安用長官為也未一月盡剖斷之

民得復業者數萬戶鞫事未嘗假詞色事鞭撲民見之懷畏懼心不敢狡飾即

吐實情以是獄不留滯所屬地產沉香玳瑁諸物守土者多取以備饋遺之光

悉榜免之其他德政多有可稱瓊人次其事成書名曰海日澄光記以比崔與

之巡視珠崖之海上澄清錄云阮通志

邱象升

字曙戒江南山陽人順治乙未進士庚子調瓊府通判將之官道出除聞縣縣

防兵以餉不至大譁城門晝閉象升直前諭之曰我瓊州別賀也適自省會來

藩司給餉且至汝曹姑待三日則士飽馬騰孰與逆行干紀相率而受赤族之

誅乎吾勉爲若留待餉至然後發耳逕而直入使者署弛裝而臥士卒聞象升言遂解甲以聽亡何餉果至將吏兵民泣拜於途曰公活我倅瓊職司撫黎黎酋恃險遠數梗王化象升曰是不可以文諭而惠結也密檄民兵簡其精銳自將以出黎出不意皆大驚鳥獸散擒斬亂首數人餘悉懾服瓊賦舊越海解藩庫瓊之兵餉復赴藩司請領往返數千里軍民交病象升建議以爲留瓊之賦餉瓊之兵其事便遂著爲令至今行之阮通志

于覺世

字子先號赤山山東新城人順治己亥進士歷禮部郎中出視學廣東教士先德行後文藝士翕然化之瓊州遠在海南前學使多憚風濤不至覺世叱馭而往舟至中洋颶風作舟中人皆驚俄有小鳥狀如鸚鵡來集檣上舟人懼謀徑渡得無恙論文之暇廉問忠孝節義關教化者悉旌之阮通志

朱宏祚

字徽陰山東高唐州人康熙十七年巡撫粵東疏陳變政之弊一清陋規以勵臣志一禁換埠以靖奸風一定鹽價以杜橫索一專緝捕以免株連語語剴切商民德之瓊郡遠居海外兵燹後澄邁臨高二邑錢糧逋欠七萬一千九百兩

儋縣

志

卷五

官師 宦績

十二

瓊州海口海南書局代印

李華之

字秀實諸城人康熙丙辰進士由中書歷任觀察粵東時瓊州嶗黎猖獗華之單騎往諭更爲布置營伍兵黎相安至今帖然歷陞雲南布政使終邢部侍郎

大清一統志

張萬言

奉天人康熙二十六年由監生知府事潔已愛人尤善教義民有懿行獎之以勸其餘三十年新設兩廣監院議設瓊商配引加餉瓊民周介文等呈稱瓊郡環海在在資鹽自古未設鹽商竈戶自煎自賣若設商小民貴販難賣黎人淡食難堪怨生不測萬言力爲詳請具題邀免是歲大饑發府倉積穀六千餘石以賑饑奉文追補還倉萬言捐資賙補適報丁艱不及買穀竟以貯非本色引虧空例革職士民惜之至今頌德賈志祀府名宦

翁嵩年

字康飴號蘿軒浙江仁和人康熙戊辰進士歷刑部郎中督學廣東矢心慎恪務得真才先是學使者以瓊州在海外每以風波不測爲虞嵩年曰出入忠信

何畏焉即命舟人揚馬渡海浙江通志

賈棠

直隸河間人康熙三十七年由歲貢任瓊州府正已率屬決訟如流置義田濟孤貧歲饑捐賑賴以甦郡治苦低窪乃除道成梁以便行旅捐俸修學宮輯郡志任瓊九年百廢具舉擢本省鹽法道整飭漕政通商恤民祀府名宦郝通志

焦映漢

陝西人康熙四十四年分巡雷瓊道勤宣德教扶植士氣創建瓊臺書院宏敞完固軒豁光明一切土木瓦礫工役之需悉出捐俸不假助援復置義田以供廩餼延名宿為師聚闔郡生童講貫其中諸生有艱於自給者或省試無力者亦得仰資歲租以繼其不逮蕭志設主祀於瓊臺書院

王謨

太倉人原祁子也康熙四十五年進士丁巳巡撫廣東時瓊州郡編征稅銀多缺額地方拘於考成在地丁椰柯稅排門烟戶等項均攤賠派謨徹底查清奏免四千餘兩以蘇民困廣東濱海颶風起潮溢為災謨委賢員協辦賑恤無使失所瓊州懸海外水土瘴毒溢茲土者偶有死亡道路遠家口不能歸骸骨

儋縣

志

卷十五

官師 官績

十三

瓊州海口海南書局代印

旋殯謨請酌動存公銀兩給發路費春融室集

林文英

福建侯官人康熙戊辰進士十四年由郎署出守瓊州一切陋例捐除殆盡瓊隔海南士子艱於應試文英當賓興輒捐俸金買舟以濟瓊士感之俗信鬼惑讖祥親喪怠葬或中數十年文英痛懲其弊風即革祀府名宦郝志

王錦

直隸天津進士乾隆三十年由翰林院編修出巡雷瓊兵備整飭紀綱振興教化心教化添設瓊臺書院膏火田畝延請浙江名孝廉吳光昇為生童師日有程月有試旬有大小兩課文風蒸蒸日上一時科甲聯翩而起士林德之奉長生牌祀於瓊臺書院採訪冊

蔡共武

字毅堂浙江仁和人進士嘉慶六年由翰林出巡雷瓊兵備整飭紀綱振興教化瓊臺書院頽壞捐廉修葺增添諸生膏火日課月程訓誨不倦後陞鹽運使司瓊士到省者猶殷勤培植如在瓊時多士感之祀於瓊臺書院採訪冊

邱殿章

字復齋大埔人少孤力學授徒養母乾隆壬午領鄉薦選曲江教諭調儋州學正陞瓊州教授勤於訓迪體恤貧生教人躬行實踐先品行而後文藝多士戴

之如嚴父性恬淡篤學至老不倦卒於官遺書數篋而已所著有韶獲正音詩稿子孫占籍於瓊山

言尙煒 江蘇昭文縣舉人先賢言子裔孫嘉慶十一年知瓊山縣至即揭學道愛人匾於堂用自警惕存心悌愷行已清廉政簡刑平民懷吏服時值海寇烏石猖獗剽掠濱海居民尙煒教民團練鄉勇守望防護製烏鎗數十桿召紳士領之事平檄官遂得有備無患民稱頌之卓薦陞儋州知州士民郊送數十里

費丙章 號新橋浙江仁和進士嘉慶二十三年由御史分巡雷瓊道嚴飭吏治大法小廉包苴不行奸貪斂跡尤加意振興文教瓊臺書院舊北向日漸傾圯丙章捐廉四百金率紳耆捐輸不下鉅萬乃拓地開基轉爲南向崇廣講堂學舍建宋五夫子祠俾士林知所準的以陞任去多士設主祀於瓊臺書院

錢維青 福建甌寧人優貢生嘉慶二十四年署儋州牧儋故苦催科維青至首除積弊改圖爲里以省催比又爲立甲設墟以通貿易士民稱便府志祀州名宦

周鳴鑾 號曉坡山東單縣進士道光壬午備兵雷瓊敏於政事案無留牘甲申歲大禘

儋

縣

志

卷十五

官師·官職

十四

瓊州海口海南書局代印

貧者多鬻子女於海北諭止之招米商海運請平糶接濟饑民所存活甚衆尤加意造士倡捐拓建瓊臺書院膏火籌經久之費詳定章程勒石院門又著學訓二篇每課士必親校閱口講指畫諄諄如嚴父師瓊人士至今誦之

喻溥 字公輔湖北黃梅進士道光六年任雷瓊兵備道察吏安民潔已愛士敬教勸學瓊臺鴈峰兩書院皆兼課之親加丹鉛點竄不啻塾師諸生百數十人赴省試者必送卷資是科獲雋三人其後有宴瓊林登瀛洲者咸服其教澤之宏云俱同上

沈一成 奉天府乙卯舉人康熙二十六年任知州於康熙二十七年捐資修城雉堞一新二十八年續修州志至康熙三十年離任卒於郡祀州名宦

李仲樞 鑲藍旗人康熙三十一年任知州裁革見年催糧並大造書箒等勒碑示禁

韓祐 順天大興人康熙三十九年知州裁革穀倉積弊并衙用夫役裁條鞭收戶房書管收革除編審硃墨銀四十二年續修州志四十六年離任民咸思之祀州名宦

惠士奇 字天牧又字仲儒江南吳縣人雍正間由翰林院編修督學廣東其諸善政已備載通志至於儋州舊本中學每榜取進只十二名自惠提學至瓊見儋文才頗盛特題請陞爲大學歲科額取共三十名自此儋之科甲遂相繼而起故多士感激設主配享東坡祠

張繼鄒 字小和山東人由進士出身道光二十一年署儋州事事無鉅細壹以愛民惠士爲本儋素貧瘠創設登瀛賓興爲鄉會之助公暇步遊諸生童館隨帶紙筆以資賞賜造士育才實爲前此所未有至於建忠義祠以勵風化設恤孤所以置流亡尤爲政績之表表者任滿之日士民攀轅臥轍四十餘里與古循吏相輝映焉道光三十年設主祀於桃榔菴

民國

梁邁 號燕伯廣東德慶州廩生署瓊崖道道尹民國六年巡視來儋公餘謁蘇文忠公祠見牆壁堂廡日就頽圯心竊傷之捐廉四百大元修築頭門圍牆講堂拱

儋縣志

卷十五

官師 官績

十五

瓊州海口海南書局代印

棚並題捐貳百大元委立風俗改良會以挽頽風縣人德之

梁夔 號典韶廣東德慶州人歲貢生民國六年縣知事慈祥愷悌禮士愛民捐廉壹百元重修坡亭及改良風俗會縣人感念

王定華 號實甫合浦人國民革命軍獨立團團長民二十三年駐防瓊崖西路巡營來儋軍紀嚴明興廢舉墜倡修東坡祠及增建東坡公園規模拓大軒朗開暢爲前此所不及一切土木瓦礫之需約五千金除代募三千金外餘皆出自捐俸全邑人士賦詩頌德以誌不忘

官師志二 武功 唐宋元明清

唐

馮 盎

字明達通志高州良德人譙國夫人孫蕭志累代為本部大首領盎少有武畧
隋開皇中為宋康令仁壽初潮成等五州獠叛盎馳至京請討之文帝敕左僕
射楊素與盎論賊形勢素曰不意蠻夷中有此人大可奇也即令盎發江嶺
兵擊之賊平授金紫光祿大夫仍除漢陽太守通志參新舊唐志 隋亡奔還嶺
表有衆五萬番禺新興賊高法澄洗寶徹等受林士宏節度殺官吏盎率兵破
之寶徹及兄子智臣復聚兵拒戰盎進討兵始合釋冑大呼曰若等識我耶衆
委戈袒拜賊遂奔潰擒智臣等悉有番禺蒼梧珠崖地蕭志白號總管高州志或
有說盎曰自隋季崩離海內騷動今唐雖應運而風教未浹南越一隅未有所
定公克平五嶺二十餘州豈與趙陀九郡相比今請上南越之號盎曰吾居南
越於茲五代本州牧伯唯我一門子女玉帛吾之有也人生富貴如我殆難常

僖

縣

志

卷五

官師 武功

六

瓊州海口海南書局代印

宋

潘 美

恐弗克負荷以墜先業本州衣錦便足餘復何求越王之號非所聞也 阮通志
武德初歸唐立儋崖振三州蕭志以盎為高州總管封耿國公資治通鑑

大名人開寶三年以桂道行營都部署尹從珂為副將兵平南漢四年劉鋹降
遂有嶺南地得州六十縣二百四十瓊始歸宋蕭志

王 介

南雄保昌人慶元中峒寇標掠鄉村逼城下介遂奮勇擣其前鋒卻之以功擢
武德將軍御賜旗題云海外四州都安撫使阮通志

元

朱 斌

徐州人國寶子至元十八年同闊里吉思平黎蕭志

明

周 旺

廬州人高郵千戶洪武二年領兵開設衛所蕭志

汪 滿

洪武二年同周旺追羅己終於交趾

崔 聚

懷遠人少從永樂起兵宣德元年拜左參將隨征虜副將軍柳升討黎利升失

機兵挫聚整軍至昌江賊來益衆官軍殊死鬪賊驅象大至陣亂賊大呼降者不死官軍或死或走無降者聚力戰被執百計降之終不屈死阮通志

王璩 籍貫失載雷州揮僉奉委守瓊攝衛印與知府蔡浩和衷共濟軍民樂業盜賊屏跡成化五年平黎賊符那爾時有都指揮李祐參將馬游先後平落窰黎又宏治三年參將姚英平賊陳那洋

馬澄 參將成化十一年征落窰黎

胡富 字永年績溪人成化十四年進士歷官廣東副使時符南蛇圍儋州富與參議劉信偵探賊突至殺信富手斬劇賊一人賊乃退還益兵討平之

錢璋 都指揮宏治十五年從毛銳征符南蛇

馬義 都指揮楊彪廉州指揮宏治十五年俱從毛銳征符南蛇

張經 字廷彝侯官人正德丁丑進士有文武才出鎮兩廣平安南及瓊州黎進兵部尙書俱同上

歐陽必進 字任夫廬陵人正德丁丑進士累官兩廣總督時黎鐘流毒珠崖乞師討之前

儋

縣

志

卷五

官師 武功

七

瓊州海口海南書局代印

後斬獲甚多面縛者幾千人不三月班師獻徵錄

韓恭 大興人雷州左所副千戶隨調瓊州府征黎賊屢立戰功保吉營之敗衆皆先

奔恭獨殿後賊至反兵陷陣力竭而死雷陽志

柳珣 安遠侯升五世孫襲祖爵嘉靖二十年奉命統兵征黎擒斬五千誅其酋三十

人加少保卒贈太保諡武襄明史稿同時有廣南衛指揮錢大有李元爵俱從征嶺脚黎有功蕭志

英良知 字廷通少習孫吳法嘉靖時倭寇爲患海道譚綸薦授把總三戰三捷歷陞廣

東瓊崖參將每戰必誓師令無殺掠故所向成功浙江通志增

黃鉞 浙江上虞人武狀元素有韜畧膂力過人累官瓊州參將萬歷四十二年崖黎

滋擾統軍征討厲士卒具糗糧與陽電參將葉應春署雷廉參將楊應春廣西柳慶參將熊大經廣州衛指揮王中耀白沙寨把總王熙葉思義等刻期進剿大小凡十餘戰俘馘不可勝計大挫黎蠻民賴以安鉞後陞潮州總兵蕭志

清

高進庫 陝西人順治九年總鎮瓊州平服黎峒後陞都督同知廕一子蕭志

江起龍 江南徽州人順治十三年任水師參將駐劄白鶴寨始至營署俱圯無城塹可守乃捐貲立營寨招居民屯聚為墟市商賈畢集康熙三年遷海安龍遂進副將五年出洋捕盜風發舟覆殞焉著神異雍正九年

欽定英佑驍騎將軍之神起龍為人仁勇忠直放生著匪躬之節歿顯利涉之功宜膺大典云都通志

謝謙 揭陽人康熙中海寇楊二聯等犯儋耳謙與瓊山令茹鉉協剿設伏突攻大敗

之焚巨艦五擒長毛賊二十七人辛酉二月賊復聚數萬寇擾東西路陷海口所暨澄邁定安諸邑將逼郡城謙率七舟併力鏖戰一晝夜身被數十創力窮被執不屈死大清一統志

蔡璋 字秉鉞福建晉江人康熙十九年由江西水師總兵調順德鎮抵任首治戰艦

詰戎兵定汛守明賞罰逾年簡舟師徑突海陵出賊不意傾其巢穴賊謝昌走

儋縣志 卷十五 官師 武功 六

瓊州海口海南書局代印

外洋旋與楊二洗彪合勢復振會犯瓊南璋率師渡海賊分三路拒敵璋麾樓船結大陣令槳舸迎潮擊其尾大敗之斬獲偽官弁等六百餘級生擒三百人餘悉赴水死救回被擄子女三千餘人悉分遞回籍數年海患以息阮通志

官師志三 謫宦 隋唐宋明

隋

楊綸 隋宗室滕楚王瓚之子性宏厚解鐘律封邵國公煬帝時被誣怨望除名為民
謫始定後徙珠崖及亂為賊林士宏所逼携妻子竄儋耳

唐

李孝逸 唐宗室中宗朝為左衛將軍以李敬業功封吳國公武承嗣等忌之嗣聖四年
誣孝逸自劾減死除名流儋州

韋方質 京兆萬年人雲啓之孫中宗朝為尚書嗣聖七年武承嗣等用事方質不為禮
有疾承嗣三思往問之復據床不起或諫之曰死生有命大丈夫安能曲事近
戚以求苟免乎尋為周興所構流徙儋州沒其家

林蘊 字復夢莆田人通經術嘗就西川節度使辟及劉闢有異志曉以順逆闢拔劍
加蘊頸不能普及闢敗蘊名重京師嘗以六事諷宰相李吉甫皆切中時弊元

儋縣

志

卷十五

官師 謫宦

十九

瓊州海口海南書局代印

和間為郴州刺史坐罪流儋州

李昭德

長安人擢明經累官御史中丞永昌初坐事貶振州陵水尉還為夏官侍郎新

唐書本傳

敬暉

字仲煜絳州太平人長安三年拜中臺右丞加銀青光祿大夫神龍元年以誅

張易之昌宗功加金紫光祿大夫擢拜侍中賜爵平陽郡公尋進封齊國公天
后崩暉等以唐室中興武氏諸王咸宜降爵上章論奏於是諸武降為公武三
思怒鄭愔素被暉等廢黜因令上表陳其罪狀中宗貶暉為崖州司馬員外置
暉到崖州為周利貞所殺唐書本傳

楊知至

字幾之刑部尚書汝士之子登進士第歷浙東團練判官為宰相劉瞻所善薦
其才學擢比部郎中知制誥中書舍人瞻既謫外知至亦貶瓊州司馬及瞻起
復又為諫議大夫終戶部侍郎俱同上

宋

洪湛

昇州上元人咸平中以比部員外郎同王欽若知貢舉欽若通關節於臨津尉

任懿事露帝命邢昺等別翰之懿指湛湛適使陝西還而獄已定遂削籍流儋州及官收湛賦無有也乃假梁灑金銀器皿輸官竟死貶所人稱其冤

蘇軾

字子瞻眉州人累官禮部尚書兼端明殿翰林侍讀學士紹聖中忤章惇蔡卞御史論軾掌制詞譏斥先朝三貶至瓊州別駕昌化軍安置初至儼屋有司不可寓城南天慶觀結桃榔庵以居儼人運甓畚土助之獨與幼子過著書時從父老遊若將終身凡三載徽宗立移廉州瓊人立祠祀之子過字叔黨年十九以詩賦聞名曾任承務郎軾貶儋州過隨侍凡晝夜寒暑所須者身任之不知其難初至海上為文曰志隱軾見之曰吾可以安海島矣因命作孔子弟子別傳其叔轍每稱過之孝且言吾兄遠居海上惟成就此兒後著斜川集二十卷字叔黨軾知杭州過年十九以詩賦解兩浙路禮部試下及軾為兵部尚書任右承務郎軾帥定武謫知英州貶惠州遷儋耳漸徙廉永獨過侍之凡生理晝夜寒暑所須者一身百為不知其難初至海上為文曰志隱軾覽之曰吾可以安於島夷矣因命作孔子弟子別傳試卒於常州過葬軾汝州郟城小峨眉

蘇過

遂家穎昌營湖陰水竹數畝名曰小斜川自號斜川居士有斜川集二十卷其思臺賦颶風賦早行於世時稱為小坡蓋以軾為大坡也其叔轍每稱過孝以訓宗族且言遠居海上惟成就此兒能文也據宋史本傳

任伯雨

字德翁眉州人徽宗初立伯雨為右正言首擊章惇繼論蔡卞居諫省半載疏百上大臣畏其多言崇寧二年黨事作削籍貶通州尋徙昌化軍安置奸復用匿名書逮其子適妻又死於淮報至伯雨處之如平時居三年乃復歸後贈諫議大夫諡忠敏祀景賢祠

折彥質

字仲古撫州人紹興六年趙鼎為相屢薦彥質僉書樞密院後秦檜以彥質為鼎所引謫昌化軍禮賢下士與儼萬士許廷惠輩效司馬光真率會為鄉約五日一集太守李行中與焉嘗至廣州寓開元萬壽寺鑿井得泉甚美人號折公井後移彬州二十五年詔復官

李光

字泰發上虞人高宗朝叅知政事紹興間秦檜王和議光斥之謫瓊州安置居八年仲子孟堅坐陸升之誣以私撰國史成獄呂愿中又告光與胡銓賦詩倡

儋縣

志

卷五

官師 諸宦

二十

瓊州海口海南書局代印

和譏訕朝政移昌化軍論文考史怡然自適年逾八十精力不衰亭台多所匾
詠後三年以郊恩復爲朝奉大夫至江州卒孝宗朝復資政學士謚莊簡

明

世家寶 字觀益北庭人洪武初官大理寺卿讞獄詳明上屢獎之改刑部尙書尋以罪
誤發儋州安置後召還復其官未至京卒

古昌 北庭人孝行著聞初令曲江累官山東副使復因罪謫儋州

趙起潛 字淵叔黃巖人洪武初鄉貢第一以監察御史按部嶺海有聲尋以累謫儋州
矢節不改讀書學古無故不入城市儋人賢之

官師志四 流寓 宋

宋

葛延之 丹陽人東坡在儋耳 延之自江陰來見以手製龜冠為獻東坡 愛之贈以詩

蕭志 誨以作文之法曰儋州雖數百年之久州人所須取諸市而足然不能徒得也必有一物以攝之然後為己用所謂一物者錢是也作文亦然天下之事散見經書子史中不可倖得必得一物以攝之然後為己用所謂一物者意是也不得錢不可以取物不得意不可以明事此作文之要也延之拜其言而書紳

王介 石湖人嘗客於儋有士君子之趣東坡初至時賃官室數間居之後買地起屋

五間在城南洿池之側茂林之下勞費貧窮介躬其勞甚于家隸然無毫髮之求也嘗與許珏以酒子餉東坡感其意厚作詩為謝蕭志遺事

許珏 福建泉州人久寓儋年九十餘精於易書論災祥有驗蘇東坡與談論有賦贈

儋縣志 卷五

官師 流寓

三

瓊州海口海南書局代印

之稱泉上許生是也迨蘇公北歸贈許珏茶盃曰無以為清風明月之贈茶盃聊見意耳後為元樞密折彥質所得有詩謝許云東坡遺物來歸我兩手摩挲思不窮舉取吾家阿楮物愧無青玉案酌公其子康民字廷惠從遊居儋建炎間於大江橋建湛然菴以居與折彥質為真率鄉約彥質歸有詩留別蕭志

黃子善 泉州人紹興間儋人陳氏延為塾師教四子皆知名嘗題陳氏湧月亭

儋縣志

職官
選舉
官師

卷十三
二十四
校誤表

職官卷十二

篇

頁

行

字

誤

正

十六

陰

十二下小注三行四

成

賊

十七

陽

五下小注漏襲字

選舉卷十三

六

陽

三下排小注二行

又見孝友傳衍

六

陰

七小注

由遊

十四

陰

十下排小注

又見孝友傳衍

十八

陰

八上排小注

燐燁

官師卷十五

九

陰

十一

十一編年字

十二

陰

五

二十九

義

養

十七

陽

四

二十九

游

澄